

**UGOVOR**  
**O NABAVCI USLUGE IZRADA GLAVNOG - IZVEDBENOG PROJEKTA**  
**REKONSTRUKCIJE TERMINALA TEČNIH NAFTNIH GORIVA BIHAĆ**

Zaključen između:

**1. OPERATOR - TERMINALI FEDERACIJE d.o.o. Sarajevo**, sa sjedištem u ulici Mustajbega Fadilpašića br. 1, Sarajevo, 71000, ID broj: 4200977100007, koga zastupa Uprava, u sastavu: **Džemal Bašić**, predsjednik Uprave i **Eugen Šušak**, član Uprave (u daljem tekstu: **Ugovorni organ**)

i

**2. INSTITUT ZA GRAĐEVINARSTVO „IG“ d.o.o. Banja Luka**, sa sjedištem u ulici Kralja Petra I Karađorđevića br. 92 – 94, Banja Luka 78000, ID broj: 4400918310005, koga zastupa direktor: **Nebojša Knežević** (u daljem tekstu: **Dobavljač**).

**OPŠTE ODREDBE**

**Član 1.**

Ugovorne strane konstatuju:

1.1. da je Ugovorni organ sproveo otvoreni postupak javne nabavke, propisan odredbama Zakona o javnim nabavkama («Službeni glasnik BiH», broj 39/14), radi nabavke usluge – IZRADA GLAVNOG-IZVEDBENOG PROJEKTA REKONSTRUKCIJE TERMINALA TEČNIH NAFTNIH GORIVA BIHAĆ, broj nabavke 1138-1-2-2/18;

1.2. da je Dobavljač u svojstvu Ponuđača dostavio svoju Ponudu koja je zavedena kod Ugovornog organa pod brojem 04-7-679-13/17 od 20.02.2018. godine i sastavni je dio ovog Ugovora (u daljem tekstu: Ponuda);

1.3. da je Ugovorni organ svojom Odlukom broj 04-7-679-27/17 od 25.04.2018. godine dodijelio Ugovor o javnoj nabavci Dobavljaču.

**PREDMET UGOVORA**

**Član 2.**

2.1. Predmet ovog Ugovora je usluga izrade Glavnog-Izvedbenog projekta rekonstrukcije Terminala tečnih naftnih goriva Bihać na osnovu

a) Projektnog zadatka/Tehničke specifikacije iz tenderske dokumentacije-sastavni dio Ugovora kao Prilog 1.

b) Ponude Dobavljača br. 04-7-679-13/17 -sastavni dio Ugovora kao Prilog 2

2.2. Ugovorni organ naručuje predmetnu uslugu iz stava 2.1. ovog člana ugovora, a Dobavljač prihvata da je u ukupnom obimu izvede



### Član 3.

Ugovorni organ i Dobavljač su saglasni da se ugovor realizuje prema već definisanim uslovima u Obavještenju o javnoj nabavci putem otvorenog postupka (u daljem tekstu: Obavještenje) i prema tenderskoj dokumentaciji za ugovor o nabavci usluge izrade Glavnog-Izvedbenog projekta (u daljem tekstu: Tenderska dokumentacija) i to:

- a) Ugovorni organ prema zahtjevima u obavještenju i tenderskoj dokumentaciji i
- b) Dobavljač, prema tenderskoj dokumentaciji i dostavljenoj ponudi.

### UGOVORENA CIJENA

#### Član 4 .

4.1. Ugovorne strane saglasno utvrđuju da ukupna cijena za izvršenje ugovorenih Usluga iz člana 2. ugovora iznosi:

**188.000,00 KM bez PDV-a (slovima: stotinuosamdesetosamhiljada i 0/100 KM),**

**plus 31.960,00 KM na ime PDV-a (slovima: tridestjednahiljadadevetstotinašezdeset i 0/100KM) , što je**

**UKUPNO 219.960,00 KM sa PDV-om  
(slovima: dvijestotindevetnaesthiljadadevetstotinašezdeset i 0/100KM )**

4.2. Jedinične cijene iz ponude po svakom dijelu su fiksne i nepromjenljive po bilo kojem pravnom osnovu za vrijeme trajanja ugovora i iskazane su u Prilogu 2. Ugovora.


4.3. Ugovorne strane izričito utvrđuju da su ukupnom cijenom iz člana 4.1 . obuhvaćeni svi troškovi i izdaci za radove i usluge iz Priloga 1 ovog ugovora, koji su neposredno vezani uz obavljanje usluga (redovni i produženi rad te rad subotom, nedjeljom, državnim i vjerskim praznikom, dnevnice, troškovi prijevoza, topli obrok, naknada za godišnji odmor, bolovanje i sl., troškovi osiguranja, doprinosi, zaštitna sredstva itd.), porezi i druga davanja koja će Dobavljač imati odnosno na koje će biti obavezan za vrijeme izvršenja ugovornih obaveza, zaključno sa primopredajom usluge prema odredbama člana 7. ovog Ugovora.

### ROK , NAČIN I USLOVI PLAĆANJA UGOVORENE CIJENE

#### Član 5.

5.1. Isplata ugovorene cijene vršiti će se na slijedeći način:

(a) Vrijednost od 90%(devedeset%) ukupno ugovorene cijene u iznosu **197.964,00 KM** (slovima: stotinudevedesetsedamhiljadadevetstotinašezdesetčetiri i 0/100 KM) sa obračunatim PDV, Ugovorni organ će platiti nakon završetka primopredaje usluge prema odredbama člana 7. ovog ugovora, i to u roku od 7 (sedam) radnih dana po prijemu validnog računa Dobavljača .



**(b)** Preostalih 10%(deset%) ukupno ugovorene cijene iz člana 4. ovog Ugovora u iznosu **21.996,00 KM** (slovima:dvadesetjednahiljadadevetstotinadevedesetšest i 0/100KM) sa obračunatim PDV, Ugovorni organ će platiti istekom 10 (deset) mjeseci od datuma izvršene primopredaje usluge iz člana 7. ovog Ugovora, i to u roku od 7 (sedam) radnih dana po prijemu validnog računa Dobavljača.

**5.2.** Ispostavljeni računi za izvršene usluge moraju sadržavati slijedeće:

- broj i datum Ugovora
- pečat Dobavljača i potpis ovlaštene osobe
- datum i rok plaćanja
- druge podatke u skladu s važećim zakonskim propisima
- ID broj „Operator-Terminali Federacije“ d.o.o.Sarajevo- 4200977100007
- PDV broj „Operator -Terminali Federacije“ d.o.o.Sarajevo- 200977100007

**5.3.** Račun treba nasloviti na:

„OPERATOR-TERMINALI FEDERACIJE“ d.o.o. SARAJEVO, Ul. Mustajbega Fadilpašića broj 1, 71000 Sarajevo, Bosna i Hercegovina.

## SREDSTVA OBEZBJEĐENJA

### Član 6.

#### 6.1. GARANCIJA ZA DOBRO IZVRŠENJE UGOVORA

**6.1.1.** Dobavljač je dužan u roku od 15 (petnaest) dana od dana obostranog potpisa Ugovora dostaviti Ugovornom organu „bankarsku garanciju za dobro izvršenje Ugovora“ kojom se garantira uredno ispunjenje ugovora i koja čini sastavni dio Ugovora (Prilog 3 ugovora). Garancija mora glasiti na iznos 10% (deset posto) od ukupno ugovorene cijene sa PDV-om, mora biti "bez prigovora", neopoziva, s rokom trajanja od 30 (trideset) dana dužim od roka izvršenja usluge definisanom u članu 8.1. ugovora, s ovlaštenjem Ugovornog organa za naplatu na njen "prvi poziv", te s pokrićem svih aktivnosti, zakašnjenja, pasivnosti Dobavljača, njegovog jednostranog raskida ugovora, napuštanja posla i neotklanjanja nedostataka utvrđenih prilikom primopredaje usluge.

**6.1.2.** U slučaju da Dobavljač u roku utvrđenom u tački 6.1.1 ovog člana ne preda Ugovornom organu bankarsku garanciju za dobro izvršenje ugovora smatrat će se da je ispunjena pretpostavka za raskid ugovora.

**6.1.3.** Pod urednim ispunjenjem ugovora podrazumijeva se izvršenje svih obaveza Dobavljača iz ugovora, tj Dobavljač garantuje da će ugovorene usluge biti izvršene kvalitetno i na vrijeme, u skladu s traženim obimom posla te da će izvršene usluge udovoljavati zahtjevima Ugovornog organa, važećim propisima, dobroj inženjerskoj praksi i pravilima struke

**6.1.4.** U slučaju da su usluge izvršene manjkavo i ne budu u skladu s traženim obimom posla ili općenito prihvaćenim standardima, Dobavljač garantuje da će u najkraćem mogućem roku na svoj trošak i rizik osigurati izvršenje svih potrebnih radnji u cilju zadovoljenja traženog opsega posla, odnosno otkloniti dokazane propuste u izvršenju usluge nastale zbog njegovog nekvalitetnog rada

**6.1.5.** U slučaju produženja roka, Dobavljač će dostaviti novu bankarsku garanciju za dobro izvršenje ugovora s rokom važnosti u skladu s produženjem roka i pod uslovima iz člana 6.1.1. ovog ugovora.

## **PRIMOPREDAJA USLUGE**

### **Član 7 .**

**7.1.** Dobavljač je dužan odmah po završetku izrade projektne dokumentacije navedene u Članu 2.1. dostaviti istu Ugovornom organu na uvid i evaluaciju.

Tehnička specifikacija i predmjer/predračun radova i opreme urađeni u cilju objave tendera za fazno izvođenje radova bit će urađeni kao posebni prilozi.

**7.2.** Ugovorni organ je obavezan da, u roku do maksimalno 30 (trideset) dana nakon preuzimanje projektne dokumentacije, izvrši kontrolu i evaluaciju dostavljene projektne dokumentacije.

Evaluacija prethodi potpisivanju Zapisnika o primopredaji usluge i podnošenju dokumentacije na ovjeru ovlaštenoj revizorskoj kući.

**7.3.** U slučaju da, nakon izvršene evaluacije, Ugovorni organ nema primjedbi na urađenu projektnu dokumentaciju, sastavit će se Zapisnik o primopredaji usluge koji će potpisati ovlašteni predstavnici Dobavljača i Ugovornog organa.

**7.4.** Ukoliko Ugovorni organ, nakon izvršene evaluacije projekta, ustanovi postojanje nedostataka, tada neće doći do primopredaje usluge, nego će ovlašteni predstavnici obje ugovorne strane sastaviti i potpisati zapisnik o utvrđenim nedostacima, u kojem će utvrditi prirodu utvrđenih nedostataka, te odrediti rok za njihovo otklanjanje. Dobavljač je dužan po sastavljanju takvog zapisnika odmah pristupiti otklanjanju nedostataka, o svom trošku. Nakon otklanjanja utvrđenih nedostataka pristupa se potpisivanju Zapisnika o primopredaji usluge prema odredbama iz tački 7.2. i 7.3.

**7.5.** Nakon potpisivanja zapisnika o primopredaji usluge, Ugovorni organ će pristupiti izvršenju kontrole i ovjere dokumentacije od strane ovlaštenog revizora, a Dobavljač će ostati u obavezi da eventualne primjedbe revizorske kuće uvaži i izvrši neophodne ispravke u projektnoj dokumentaciji o svom trošku.

**7.6.** Ukoliko Dobavljač odmah ne pristupi otklanjanju utvrđenih nedostataka ili/i ne otkloni utvrđene nedostatke u utvrđenom roku, Ugovorni organ ima pravo za otklanjanje istih angažirati treću osobu na teret i rizik Dobavljača i protestovati garanciju za dobro izvršenje posla.

## **ROK IZVRŠENJA USLUGE**

### **Član 8 .**

**8.1.** Rok za izvršenje usluge je 120 (stotinudvadeset) dana od datuma obostranog potpisivanja ugovora.

**8.2.** Usluga se smatra izvršenom na dan kada su obje ugovorne strane potpisale Zapisnik o primopredaji usluge u skladu sa članom 7. ovog Ugovora.

## **UGOVORNA KAZNA - PENALI**

### **Član 9.**

**9.1.** Ako Dobavljač ne izvrši uslugu u ugovorenom roku, a za uzrok kašnjenja je sam odgovoran, dužan je platiti Ugovornom organu ugovornu kaznu u iznosu od 0,5% od ukupne ugovorene cijene za svaki dan zakašnjenja.

**9.2.** Ukupni iznos ugovorne kazne ne može preći iznos od 10% (deset %) od ukupno ugovorene cijene iz Člana 4.1. ovog Ugovora.

## **OBAVEZE DOBAVLJAČA**

### **Član 10.**

Dobavljač se obavezuje:

**10.1.** Da će prije potpisivanja ugovora pribaviti važeća ovlaštenja za obavljanje djelatnosti koje su predmet ove nabavke, odnosno za projektovanje izdate od strane Federalnog Ministarstva prostornog uređenja Federacije BiH, a u skladu sa odredbama Člana 5.9.2. i Člana 5.9.4. TD.

**10.2.** Kao specijalizirana kompanija za ovu vrstu Usluga, vršiti Usluge u skladu s odredbama ovog Ugovora, Zakonom o prostornom uređenju i gradnji, ostalim važećim propisima, standardima, tehničkim normativima i pravilima struke.

**10.3.** Započeti s izvršenjem usluge odmah po obostrano potpisanom ugovoru.

**10.4.** U roku od 7 (sedam) dana po potpisu ugovora imenovati glavnog projektanta, kao i projektante po strukama, u skladu sa sastavom projektnog tima definiranog ponudom, a ako tokom izvršenja usluga dođe do promjene nekog od imenovanih projektanata o tome odmah pisanim putem obavijestiti Ugovorni organ i zatražiti saglasnost.

**10.5.** Za obavljanje predmetnih usluga osigurati potreban broj ovlaštenih projektanata kao i njihovu adekvatnu zamjenu za vrijeme bolovanja, godišnjeg odmora i sl.

**10.6.** U svrhu izvršenja ugovora o javnoj nabavci, neće zapošljavati fizička i pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, i to najmanje šest mjeseci po zaključenju ugovora odnosno od početka realizacije ugovora

**10.7.** Prilikom izvršavanja Usluge racionalno primjenjivati tehnička rješenja i osigurati povoljne ekonomsko-tehničke uslove zaštite čovjekove okoline, funkcionalnost radnog prostora, jednostavnost i odmjerenost u oblikovanju i upotrebi materijala, kao i sve druge mjere zaštite osoba i imovine

- 10.8.** Da će tokom izvršavanja usluge iz predmeta ugovora organizirati redovne sastanke sa predstavnicima Ugovornog organa svakih 15 (petnaest) dana radi prezentovanja tehničkih rješenja i vođenja konsultacija u vezi sa svim aspektima izrade projektne dokumentacije. Na sastancima će se voditi zapisnik koji obavezno moraju usaglasiti i potpisati predstavnici ugovornih strana. Sastanci će biti održavani u prostorijama Ugovornog organa u Sarajevu.
- 10.9.** Odrediti osobu ovlaštenu za koordinaciju aktivnosti sa Ugovornim organom.
- 10.10.** Dostaviti dokaz o upisu u Imenik ovlaštenih projektanata po disciplinama prema Zakonu o prostornom uređenju i gradnji.
- 10.11.** Da tehničku dokumentaciju, nacрте i skice ranije urađene za postojeće postrojenje, koje mu je privremeno ustupio na korištenje Ugovorni organ, neće umnožavati i davati na uvid drugim osobama, te će je čuvati i koristiti isključivo za izvršenje Usluge koja je predmet ovog ugovora.
- 10.12.** Da će podatke dobivene uvidom u postojeću tehničku dokumentaciju provjeriti na terenu/lokaciji postrojenja Terminala tečnih naftnih goriva Bihać.
- 10.13.** Da će, eventualno preuzetu, postojeću tehničku dokumentaciju, nacрте i skice po izvršenoj usluzi vratiti Ugovornom organu u stanju u kojem ih je primio.
- 10.14.** Tokom izvršenja usluge na lokacijama Ugovornog organa pridržavati se mjera zaštite prema Zakonu o zaštiti na radu, Zakonu o zaštiti od požara i vatrogastvu, drugim mjerama zaštite tehničke sigurnosti zahtjevane od strane Ugovornog organa.
- 10.15.** Isporučiti projektну dokumentaciju u 4 (četiri) knjižno uvezana primjeraka i 4 (četiri) primjerka na CD-u prema Tehničkoj specifikaciji.
- 10.16.** Uz projektну dokumentaciju isporučiti kao posebne priloge predmjer radova, materijala i opreme i tehničke specifikacije namijenjene za pripremu tenderske dokumentacije za fazno izvođenja radova.
- 10.17.** Da će, eventualne primjedbe revizorske kuće na projektну dokumentaciju uvažiti i izvršiti neophodne ispravke u projektnoj dokumentaciji o svom trošku.
- 10.18.** Da za potrebe izhodovanja odobrenja za gradnju i izvođenja radova, u skladu sa odredbama Člana 7. Uredbe o uređenju gradilišta, obaveznoj dokumentaciji na gradilištu i sudionicima u građenju (Službene novine Federacije BiH, br. 48/09 i 75/09), uradi detaljan Plan upravljanja građevinskim otpadom.
- 10.19.** Da uradi procjenu investicije projekta na nekom od službenih jezika u BiH i na engleskom jeziku.
- 10.20.** Da će prije početka procesa defektaže izvršiti čišćenje površina koje su predmet ispitivanja, a eventualno nastali otpad tokom čišćenja krajnje zbrinuti u skladu sa Zakonom.
- 10.21.** Da na poziv izvođača radova i nadzornog organa obezbijedi tumačenje tehničkih elemenata projekta, odobri eventualne izmjene ili odstupanja od rješenja u projektu.
- 10.22.** Projektна dokumentacija treba biti urađena tako da omogući izvođenje radova rekonstrukcije terminala Bihać u 2 (dvije) faze. Nakon završetka prve faze radova treba biti



omogućeno skladištenje i manipulacija naftnim derivatima u skladu sa Zakonskim propisima, standardima, EU direktivama i dr.

**10.23.** U funkciji projektanta glavnog izvedbenog projekta, sudjelovati u tehničkom pregledu i prijemu radova urađenih po predmetnoj projektnoj dokumentaciji i prema zahtjevima zakonske regulative te da će izraditi projekat izvedenog stanja ukoliko se konstatuje da je, prilikom izvođenja radova, došlo do odstupanja od glavnog izvedbenog projekta.

**10.24.** Da je u obavezi sudjelovati u postupku nabavke radova rekonstrukcije terminala Bihać, u smislu davanja odgovora i pojašnjenja na upite zainteresiranih Ponuđača koji su u vezi sa projektom, a koji će mu biti upućeni isključivo od strane Ugovornog organa.

## **OBAVEZE UGOVORNOG ORGANA**

### **Član 11.**

Ugovorni organ se obavezuje:

**11.1.** Imenovati stručnu osobu (Rukovodilac projekta) ovlaštenu i odgovornu za komunikaciju sa Dobavljačem, kontrolu, organizaciju i koordinaciju izvršenja ugovorenih usluga. Ovlaštena osoba Ugovornog organa je osoba koja ovjerava Zapisnik o primopredaji usluge.

**11.2.** Da Dobavljaču omogući uvid u svu raspoloživu postojeću tehničku dokumentaciju postrojenja terminala Bihać, a u cilju što kvalitetnijeg obavljanja usluge projektovanja.

**11.3.** Pravovremeno dati prigovore Dobavljaču na eventualne njegove propuste u izvršenju Usluga koji nisu u skladu sa projektnim zadatkom odnosno Ugovorom. Pod pravovremenim prigovorom se smatra prigovor upućen drugoj ugovornoj strani u roku od 5 (pet) radnih dana računajući od dana od kada je nastala radnja na koju se ukazuje prigovorom.

**11.4.** U slučaju da je iz tehničkih ili bilo kojih drugih razloga potrebno privremeno obustaviti izvršenje usluga, Ugovorni organ će pravovremeno obavijestiti Dobavljača o privremenoj obustavi izvršenja Usluga, a također će ga pravovremeno obavijestiti i o nastavku izvršenja usluga.


Pod pravovremenom obavijesti se smatra obavijest upućena drugoj ugovornoj strani u roku od 5 (pet) radnih dana računajući od dana od kada je nastao razlog na koji se ukazuje u obavijesti.

**11.5.** Ugovorni organ ni u kojem slučaju ne odgovara za opremu i radnike Dobavljača, kao i eventualnih podugovorača

## **RASKID UGOVORA**

### **Član 12.**

**12.1.** Ugovorni organ može jednostrano raskinuti ovaj Ugovor u cjelini ili djelimično, ukoliko Dobavljač ne bude izvršio obaveze koje su predmet ovog Ugovora na način u rokovima i pod uslovima regulisanim ovim Ugovorom, odnosno ukoliko neuredno ispunjava ugovorene obaveze (kašnjenje u ispunjenju ili ispunjenje sa nedostacima), uz pisano obavještenje o neizvršenju odnosno neispunjenju obaveza poslato Dobavljaču



**12.2.** Ugovorne strane imaju pravo na raskid Ugovora i u svim drugim slučajevima kada to predviđaju zakonske odredbe.

**12.3.** Ugovor se raskida pisanom izjavom koju ugovorna strana koja raskida Ugovor dostavlja drugoj ugovornoj strani putem pošte preporučeno, a Ugovor se smatra raskinutim danom prijema predmetne izjave o raskidu. U pisanoj izjavi mora biti naznačen osnov prema kojem se raskida Ugovor.

**12.4.** Ako ugovorne strane sporazumno raskinu Ugovor, istim sporazumom riješit će i sva sporna pitanja nastala raskidom Ugovora.

## **IZMJENE I DOPUNE UGOVORA**

### **Član 13.**

**13.1.** Ugovor se može mijenjati i dopunjavati prema važećim propisima uz saglasnost obje ugovorne strane.

**13.2.** Zahtjev za izmjenu Ugovora mora biti u pisanoj obliku obrazložen i potkrijepljen dokazima iz čega nedvojbeno proizlazi opravdanost izmjene.

**13.3.** Izmjene i dopune Ugovora dobivaju pravnu snagu jedino ako su pisano ugovorene i potpisane od ovlaštenih predstavnika obje ugovorne strane.

**13.4.** Bilo kakvi usmeni dogovori ili bilo kakve izjave predstavnika ugovornih strana neće imati nikakav pravni značaj.

## **VIŠA SILA**


### **Član 14.**

**14.1.** Dobavljač se oslobađa odgovornosti za neispunjenje ili zakašnjelo ispunjenje svojih obaveza, ako dokaže da je do neispunjenja, odnosno, zakašnjelog ispunjenja došlo usljed događaja nastalih poslije zaključivanja ugovora, koje nije mogao spriječiti, otkloniti ili izbjeći (npr. požar, poplava, potres, rat i sl.).

**14.2.** U slučaju nastupa događaja više sile prema prethodnoj tački ovog člana, odgađaju se rokovi izvršenja za vrijeme trajanja više sile i takvih posljedica koje onemogućavaju ispunjenje ugovornih obaveza.

**14.3.** Ugovorna strana koju je zadesio događaj više sile, poduzet će sve mjere radi otklanjanja, odnosno umanjivanja posljedica događaja više sile.

**14.4.** U slučaju nastupa događaja više sile, ugovorna strana kojoj se dogodio događaj više sile obavijestit će drugu stranu najkasnije u roku od 3 (tri) radna dana pisanim dopisom o nastanku više sile. Na isti način će postupiti strana na čijoj strani je došlo do prestanka događaja više sile.





**14.5.** Ako Dobavljač u roku iz prethodne tačke ne obavijesti Ugovorni organ o nastupanju događaja iz tačke 14.1. dužan je Ugovornom organu nadoknaditi štetu koju je ovaj pretrpio zbog propusta u obavijesti.

**14.6.** Dobavljač je obavezan, čim bude raspolagao potrebnim uvidom u obim djelovanja više sile, ispostaviti Ugovornom organu zahtjev za produženjem ugovorenog roka, te podnijeti dokaze na osnovu kojih se može nedvosmisleno utvrditi nastup, trajanje i prestanak događaja više sile, kao i utjecaj toga događaja na ugovorene rokove. Dobavljač je također obavezan podnijeti i dokaze o poduzetim mjerama da izbjegne ili smanji zakašnjenje zbog tih događaja, u protivnom nema pravo na produženje ugovornih rokova.

**14.7.** Ugovorni organ će, čim to bude izvedivo, ocijeniti situaciju te može po svom nahođenju produžiti Dobavljaču rok izvođenja, u kojem slučaju će se to produženje regulirati izmjenom i dopunom predmetnog Ugovora.

**14.8.** U slučaju da Dobavljač zbog događaja iz tačke 14.1. ne može izvršiti preuzete obaveze duže od trideset (30) dana, Ugovorni organ ima pravo raskinuti Ugovor.

## **TAJNOST PODATAKA**

### **Član 15.**

Ugovorne strane saglasno utvrđuju da će se dokumenti i informacije vezane za ovaj Ugovor i njegovu realizaciju, kao i dokumenti i informacije vezane za drugu ugovornu stranu i njeno poslovanje koje je jedna ugovorna strana primila ili dobila u bilo koje vrijeme od druge strane na bilo koji način, smatrati poslovnom tajnom i da se kao takve neće otkrivati ili učiniti dostupnima trećim stranama niti koristiti u svrhe koje izlaze izvan okvira izvršenja ovog Ugovora.

## **USTUPANJE (CESIJA), PRENOS UGOVORA**

### **Član 16.**

**16.1.** Ugovorne strane ne mogu ustupiti svoja potraživanja po ovom Ugovoru trećoj strani bez prethodne pisane saglasnosti druge ugovorne strane.

**16.2.** Ugovorne strane također ne mogu prenijeti ovaj Ugovor trećemu bez prethodne pisane saglasnosti druge ugovorne strane.

**16.3.** Pisana saglasnost mora biti potpisana od strane osoba ovlaštenih za zastupanje ugovorne strane koja daje saglasnost. U protivnom ista neće imati pravni značaj.

## **POREZI I DADŽBINE**

### **Član 17.**

Dobavljač se obavezuje da će sve obaveze po ovom Ugovoru koje se odnose na poreze na dodanu vrijednost realizovati u skladu sa Zakonom o porezu na dodanu vrijednost u Bosni i Hercegovini (Službeni glasnik BiH br. 9/05, 35/05 )

## SLUŽBENI KONTAKTI

### Član 18.

Sve službene obavijesti koje ugovorne strane upućuju jedna drugoj po osnovi ovog Ugovora, mogu se vršiti isključivo u pisanom obliku, na jedan od navedenih načina:

- poštom preporučeno
- e - mailom na adrese kontakt osoba
- putem faksa naznačenog u ovom članu.

Dostavom obavijesti na navedeni način drugoj ugovornoj strani, smatra se da je dostava uredno izvršena s danom kada je obavijest zaprimljena.

Kontakt osoba Ugovornog organa:

- Mevsud Brković, dipl.ing.maš.
- e-mail adresa: [mevsud.brkovic@terminali.ba](mailto:mevsud.brkovic@terminali.ba)
- faks: +387 33 623-504

Kontakt osoba Dobavljača:

- Svjetlana Čejčić, dipl.inž.maš.
- e-mail adresa: [svjetlana.cejic@institutig.ba](mailto:svjetlana.cejic@institutig.ba)
- faks:051/348-372

## STUPANJE NA SNAGU UGOVORA

### Član 19.

19.1. Ugovor se smatra zaključenim na dan kada su ga potpisali ovlašteni zastupnici obje ugovorne strane, a ako ga ovlašteni zastupnici nisu potpisali na isti dan, Ugovor se smatra zaključenim na dan zadnjeg potpisa po vremenskom redoslijedu.

19.2. Ugovor traje do konačne realizacije obaveza navedenih u ovom Ugovoru.

## RJEŠAVANJE SPOROVA

### Član 20.

20.1. Sve eventualne sporove koji nastanu iz realizacije ovog Ugovora – ugovorne strane će pokušati da riješe sporazumno. Ugovorna strana koja se poziva na postojanje spornog pitanja, dužna je da pisanim putem neodložno ili najkasnije u roku od 3 (tri) radna dana o tome obavijesti drugu ugovornu stranu.

20.2. Ugovorne strane se obavezuju da će u roku od 3 (tri) radna dana, od dana dostave obavještenja, otpočeti pregovore radi nalaženja sporazumnog rješenja, koje su dužne da okončaju u roku od 10 (deset) radnih dana od dana početka pregovora, a najkasnije u roku od 20 (dvadeset) kalendarskih dana od dana dostave navedenog obavještenja.



**20.3.** Ukoliko sporovi između ugovornih strana ne budu riješeni sporazumno u rokovima iz stava ovog člana, ugovara se nadležnost Općinskog suda u Sarajevu.

## PRIMJENA PROPISA

### Član 21.

Ugovorne strane utvrđuju da za sve ostalo što nije regulisano ovim Ugovorom važe odredbe Zakona o obligacionim odnosima.

### Član 22.

Sastavni dijelovi Ugovora su:

Prilog 1 – Projektni zadatak/Tehnička specifikacija

Prilog 2 – Ponuda Dobavljača

Prilog 3 – Bankarska garancija za dobro izvršenje Ugovora.


### Član 23.

Ugovor je sačinjen u 4 (četiri) istovjetna primjerka, po 2 (dva) primjerka za svaku ugovornu stranu.

#### ZA DOBAVLJAČA:

  
**Nebojša Knežević**  
direktor

#### ZA UGOVORNI ORGAN:

  
**Džemal Bašić**  
predsjednik Uprave  
**Eugen Šušak**  
član Uprave

Broj: 339-1/18  
Datum: 10.07.2018.

Broj: 04-7-679-49/17  
Datum: 05.07.2018.god.

*Morad*